

KEPADА ANGGOTA-ANGGOTA IKHWAN...

Bertenagalah kepada Usaha dan Kebolehan Diri Sendiri

Kepada saudara-saudara anggota Ikhwan,
Kalau kita perhatikan masa ini maka banyak
pemuda-pemuda dari kampung pergi ke bandar melata untuk
mencari pekerjaan. Mereka menyangka bahawa hidup
di bandar itu adalah hidup sebagai di dalam syurga
kerana di sana banyak yang ada dan banyak dapat dilihat. Hal
ini diperhati dan didapati mereka dari pandangan-pandangan
di dalam wayang gambar atau pun mendengar dari teman-teman mereka.

Dengan kerana tarikan itu mereka pun akhirnya
terus meninggalkan kampungnya menuju ke bandar dengan
harapan kelak di bandar dapatlah ia mencari kerja-kerja yang
kosong walau apa juu kerja itu tetapi apabila sampai
di bandar maka baharulah ia menyedari bahawa hidup
di bandar dengan tidak ada apa-apa kerja maknanya susah.

Mula-mulanya mereka datang dengan membawa sedikit wang
tetapi kemudiannya apabila wangnya habis baharulah ia
sedar kepayahannya. Kerja yang dicari tidak dapat dan
mulailah ia meminta bantuan kepada orang-orang yang dijumpainya –
mengadukan hal keadaannya.

Hendak pun mereka balik ke kampung malu,
malu kepada teman dan rakan. Malu rasanya mencangkul
tanah untuk berkebun ubi yang boleh menahan kelaparannya,
sekalipun di dalam keadaan sederhana. Mereka akhirnya
melata menggantungkan diri kepada belas kasihan orang.

Ini pun untung kalau mereka tidak tercebur memasuki
geng-geng yang mencari wang memerah orang lain.
Saudara-saudara anggota Ikhwan!
Cara hidup seperti ini adalah membawa kepapaan.
Cara hidup seperti ini adalah membawa kepada menurunkan
maruah diri sendiri. Mereka menurunkan maruah
hidup percaya kepada diri sendiri di kampungnya
kepada penyerahan tenaga dan kehormatan kepada orang lain.
Menyerahkan kehormatannya kepada orang lain bahkan kalau
telah jadi papa membawa pula bencana-bencana besar yang
terkadang-kadang menimbulkan syirik pula.

Luqmān al-Ḥakīm pernah menasihati anak-anaknya dengan
katanya:

“Wahai anak-anakku! Lepaskanlah dirimu dari kepapaan
dan tentukanlah (cari) kekayaan dengan usaha-usaha yang
halal. Ketahuilah bahawa orang-orang yang papa – akan tertimpak
atas dirinya tiga perkara: tipis agamanya, lemah akalnya
dan hilang maruahnya dan lebih besar daripada itu adalah
manusia memandang ringan kepadanya.”

Cuba saudara-saudara anggota Ikhwan renungkan
apa yang dikatakan oleh Luqmān al-Ḥakīm kepada anak-anaknya ini.
Bandingkan dan selidiki apakah benar atau tidak
katanya.

Saudara-saudara kalau berusaha di kampung, tetap di dalam usaha yang ada dan rajin mengerjakannya maka saudara-saudara akan mendapat hasil (kekayaan) daripadanya dan kedudukan saudara mulia kerana berusaha dengan tenaga sendiri.

Tetapi kalau saudara menyerahkan diri saudara kepada nasib dan hidup papa, tidak mempunyai sesuatu berjalan di sana sini mencari-cari kerja dengan tidak ada pengetahuan maka bencana-bencana yang timbul kepada saudara akan banyak. Setelah saudara bermohon dan berdoa kepada Tuhan semoga saudara mendapat kerja atau pekerjaan lalu saudara tidak mendapat kerja itu maka sudah barang tentu saudara akan berputus asa lalu tidak mempercayainya adanya Tuhan. Kepercayaan saudara kepada pertolongan Tuhan semakin kurang dan akhirnya napislah keyakinan saudara kepada agama saudara.

Kalau sudah terbit perkara ini maka timbulah pula kelemahan akalnya. Akalnya yang siuman semakin hilang.

Tidak mampu lagi, akalnya memikirkan perkara-perkara yang baik. Akan timbul kepada perasaan-perasaan kedengkian dan akan menuntut dengan paksa (jika ada jalannya) kepada kemewahan yang didapat oleh orang lain dan akhirnya dengan kerana itu maruahnya hilang. Hilang batas untuk mengawal kehormatan dirinya.

Apabila sahaja seseorang telah hilang maruahnya maka sudah barang tentu kesan yang akhir daripadanya ialah manusia memandang ringan kepadanya. Kalau saudara masih ada bermaruah maka saudara tentu tidak akan tergemark menadah tangan meminta belas kasihan orang untuk menyelenggarakan diri saudara sendiri. Orang-orang yang meminta atau menadah tangan kepada orang lain – yang mengharapkan hidupnya kepada orang lain maka orang itu

dipandang orang ialah orang mati sekalipun masih ada nyawa di badannya.

Saudara-saudara anggota Ikhwan, Islam adalah mengharamkan orang meminta-minta dan hidup hanya menanti-nanti pemberian orang semata-mata. Islam adalah sangat mendorong umatnya supaya mencari kekayaan, kebahagiaan dan ketinggian hidup di dunia. Rasulullah (S.A.W.) bersabda (maksudnya):

“Bahawasanya meminta-minta itu tiadalah dihalalkan melainkan kepada / untuk salah seorang daripada tiga ini: Pertama – orang yang telah diberatkan dengan menanggung dan menunaikan *diyāt*. Ia boleh meminta-minta sehingga ia dapat menutup keperluannya. Kedua: orang ditimpa bencana terhadap harta-hartanya. Ia boleh meminta sehingga ia mendapat simpanan penegak hidupnya. Ketiga: orang yang ditimpa kepapaan yang disaksikan oleh tiga orang yang

Buku-buku Pelajaran

Surat Menyurat (Jawi)	\$1.80
Pandua membaca dan menulis	
Jawi	1.50
Baca I	1.00
Pelajaran Sembahyang I	1.20
Pelajaran Sembahyang II	
Mengenai Imām, Ma'mūm, Masbūq	
dan seumpamanya	1.20
Mari sembahyang (lelaki)	1.20
Mari sembahyang (perempuan)	1.20

Pesanan tambah 10 sen belanja pos

terbilang daripada kerabatnya. Ia boleh meminta-minta sehingga ia mendapat kesanggupan untuk menegakkan hidupnya – selain daripada itu semuanya diharamkan. (Hadis riwayat Aḥmad).

Sabda Rasulullah lagi (maksudnya): “Meminta-minta itu satu curingan (noda), sengaja mukanya dinodai oleh orang yang meminta-minta itu sendiri, terkecuali jika seseorang meminta kepada pihak yang berkuasa dari Bayt al-Māl atau dalam sesuatu urusan yang tak dapat tidak (yang tak dapat dielakkan)”.

Sungguh rendah orang yang menadah tangannya yang berharap kepada bantuan orang, saudara-saudara. Selain ini Islam sangat-sangat menganjurkan supaya tiap-tiap umatnya berusaha dengan bersungguh-sungguh untuk mendapat kekayaan

kerana dengan kekayaan yang ada pada dirinya dapatlah ia mengawal dirinya sendiri selain daripada membuat jasa atau khidmat yang berguna kepada masyarakat.

Perhatilah oleh saudara-saudara bagaimana Khalifah 'Umar ibn al-Khaṭṭāb selalu menggalakkan orang-orang supaya berusaha bergantung kepada tenaga dan usaha sendiri.

Katanya:

1. Wahai golongan-golongan yang membaca al-Qur'ān! Angkatlah kepala-kepalamu kerana telah sangat terang jalan-jalan untukmu.

Berlumba-lumbalah kepada kebajikan, dan janganlah kamu menjadi beban sekalian orang-orang Islam.

2. Sesuatu usaha yang terdapat padanya sedikit kehinaan, lebih baik daripada meminta-minta.

3. Janganlah duduk seseorang kamu daripada mencari rezeki dan berkata: Wahai Tuhan, berilah rezeki oleh-Mu akan daku, pada hal ia mengetahui bahawa langit tidak menghujangkan emas dan perak. Hanya sanya Allah memberi rezeki-rezeki kepada manusia – setengah daripada setengahnya.

4. Apabila telah selesai daripada sembahyang maka meratalah kamu serentak di dalam tiap-tiap penjuru dunia, dan tentulah keutamaan Allah.

5. Pelajarilah akan berbagai-bagai macam kepandaian pekerjaan, kerana kamu hampir berhajat kepada sesuatu macam pekerjaan itu.

6. Sekiranya tidak ada berjual beli, jadilah kamu beban kepada manusia.

7. Wahai golongan-golongan yang membaca al-Quran – carilah rezeki-rezekimu (dengan usaha dua tanganmu sendiri) dan janganlah kamu jadi beban kepada manusia.”

Ubat Beranak



Ubat beranak yang masyhur ini sangat digemari oleh ibu-ibu yang beranak di serata Tanah Melayu, Sarawak, Brunei dan Siam.

Dengan menggunakan ubat ini **tak payah berdiang – tak payah bersalai**, badan sentiasa sihat dan segar.

Sekotak \$15.50 cukup untuk pergunaan sekali beranak. Tambah belanja pos 60 sen.

YAHYA ARIFF

37, Jalan Kangsar, Kuala Kangsar.